

CYNGOR SIR YNYS MÔN		
Adroddiad i'r:	Pwyllgor Llywodraethu ac Archwilio	
Dyddiad:	30 Medi 2025	
Pwnc:	Canlyniadau Menter Twyll Genedlaethol 2024-26	
Pennaeth Gwasanaeth:	Marc Jones Cyfarwyddwr Swyddogaeth (Adnoddau) a Swyddog Adran 151 MarcJones@anglesey.llyw.cymru	
Awdur yr Adroddiad:	Marion Pryor Pennaeth Archwilio a Risg MarionPryor@anglesey.llyw.cymru	Andrew Lewis Uwch Archwiliwr AndrewLewis@anglesey.llyw.cymru
Natur a Rhesymau dros Adrodd: Mae Cylch Gorchwyl y Pwyllgor yn ei gwneud yn ofynnol iddo oruchwyllo trefniadau'r Cyngor ar gyfer rheoli'r risgiau o dwyll a llygredd, gan roi sicrwydd eu bod yn addas i'r diben ac y byddant yn hyrwyddo arferion atal twyll a llygredd i'r sefydliad ehangach (3.4.8.9.2). Wrth wneud hynny, bydd y Pwyllgor yn ystyried y sicrwydd a ddarperir gan archwilio mewnol (3.4.8.9.6). Mae'r adroddiad hwn yn hysbysu'r Pwyllgor o'r cynnydd diweddar a wnaed gan y Cyngor a'r canlyniadau yn sgil cymryd rhan yn y Fenter Twyll Genedlaethol (NFI).		

1. CYFLWYNIAD

- 1.1. Mae'r Fenter Twyll Genedlaethol yn ymarfer paru data ledled y DU sy'n helpu i ganfod ac atal twyll. Fe'i cynhelir yng Nghymru gan yr Archwilydd Cyffredinol o dan ei bwerau paru data statudol a nodir yn Rhan 3A o Ddeddf Archwilio Cyhoeddus (Cymru) 2004, ar y cyd â Awdurdod Twyll y Sector Gyhoeddus/ Swyddfa'r Cabinet.
- 1.2. Mae Strategaeth Atal Twyll, Llwgrwobrwyo a Llygredd y Cyngor 2025-2028 yn cydnabod bod gwneud y defnydd gorau o wybodaeth a thechnoleg trwy gymryd rhan yn y Fenter Twyll Genedlaethol yn fodd i leihau'r risg o dwyll, llwgrwobrwyo a llygredd o fewn ac yn erbyn y Cyngor.
- 1.3. Mae Archwilio Cymru yn argymhell y dylai'r rhai sy'n cymryd rhan yn yr ymarfer NFI fanteisio'n llawn arno.
- 1.4. Er bod y tîm Refeniw wedi rhoi cymorth gwerthfawr wrth ddadansoddi pariadau ac ymateb i ymholiadau, nid oedd y tîm Budd-daliadau yn gallu dyrannu adnoddau i ddadansoddi pariadau, gan arwain at golli cyfleoedd i atal twyll a manteision posibl.
- 1.5. Er nad yw canlyniadau ariannol yr NFI yn dangos y budd anfesuradwy o ganfod a chryfhau gwendidau rheolaeth fewnol, mae'r adroddiadau'n gyffredinol wedi bod o gymorth i atal hawliadau twyllodrus neu wallus.

2. ARGYMHELLIAD

- 2.1 Bod y Pwyllgor Llywodraethu ac Archwilio yn cymryd sicrwydd o'r adroddiad bod y Cyngor, gan ystyried yr angen i flaenoriaethu ei adnoddau, yn ceisio manteisio ar y cyfleoedd drwy'r Fenter Twyll Genedlaethol i ddefnyddio a dadansoddi data i gryfhau'r broses o atal a chanfod twyll.

Y Fenter Twyll Genedlaethol- Adroddiad Canlyniadau 2024-26 *Medi 2025*



Marion Pryor BA MA CMIIA CPFA ACFS

Andrew Lewis BA (Anrh.) IRRV (Dip) ACFTech



Cynnwys

Cyflwyniad _____	1
Trosolwg o'r Broses _____	2
Canlyniadau blaenorol y Fenter Twyll Genedlaethol yng Nghymru _____	2
Adroddiadau Paru a Dderbyniwyd _____	3
Data'r Gyflogres a Chredydwy'r / Tŷ'r Cwmnïau _____	3
Trwyddedau Parcio'r cynllun Bathodyn Glas a chofnodion marwolaethau'r Adran Gwaith a Phensiynau _____	3
Tenantiaid Tai a data marwolaethau'r Adran Gwaith a Phensiynau _____	3
Tenantiaid Tai a chofnodion Perchnogaeth Eiddo CThEF _____	4
Tenantiaid Tai a Budd-daliadau Gwladol _____	4
Tenantiaid Tai a Chynllun Gostyngiadau'r Dreth Gyngor (rhwng Sefydliadau) _____	4
Rhestr Aros ac Unigolion sy'n Hawlio'r Budd-dal Tai _____	4
Rhestrau Aros _____	4
Cynllun Gostyngiadau'r Dreth Gyngor a data CThEF (Enillion a Chyfalaf) _____	5
Hanes taliadau credydwy'r a data credydwy'r sefydlog _____	5
Pariadau Disgownt Person Sengl y Dreth Gyngor _____	5
Y Dreth Gyngor - Disgownt person sengl a'r Gofrestr Etholiadol _____	6
Disgownt Person Sengl y Dreth Gyngor - Bron yn 18 oed _____	6
Y Dreth Gyngor a Setiau Data Eraill _____	6
Y Dreth Gyngor a data marwolaethau'r Gwasanaeth Datgelu Gwybodaeth am Farwolaethau Cofrestredig _____	6
Casgliad _____	7
Atodiad 1 – Rhestr Wirio Hunanasesu'r Fenter Twyll Genedlaethol _____	8
Atodiad 2 – Menter Twyll Genedlaethol 2024-25: Crynodeb o'r Canlyniadau _____	13

Cyflwyniad

1. Mae'r Fenter Twyll Genedlaethol (NFI) yn ymarfer paru data sy'n ceisio canfod ac atal twyll a gwallau. Mae'n orfodol i Gyngor Sir Ynys Môn gymryd rhan, ynghyd ag awdurdodau lleol eraill a chyrrff sector cyhoeddus.
2. Awdurdod Twyll y Sector Cyhoeddus (PSFA) - sy'n rhan o Swyddfa Cabinet Llywodraeth y DU a Thrysorlys EF - sy'n goruchwyllo'r Fenter Twyll Genedlaethol ledled y DU.
3. Mae Archwilio Cymru'n arwain yr ymarfer yng Nghymru, dan bwerau'r Archwilydd Cyffredinol a sefydlwyd yn sgil Deddf Archwilio Cyhoeddus (Cymru) 2004.
4. Fel yr amlygwyd gan Archwilio Cymru, mae llwyddiant y Fenter Twyll Genedlaethol yn dibynnu ar ba mor effeithiol y mae'r cyrrff sy'n cymryd rhan yn asesu ac adolygu pariadau data a chofnodi'r canlyniadau.
5. Nid yw pariadau data bob amser yn golygu bod achos o dwyll, gwall, neu ordaliad wedi digwydd. Nid oes disgwyl i'r rhai sy'n cymryd rhan edrych ar bob pariad data; mae'r system yn caniatáu defnyddio dull seilied a risg ar gyfer blaenoriaethu pariadau ar gyfer eu dadansoddi.
6. Cyn unrhyw arbedion ariannol, mae manteision sydd ynghlwm â chymryd rhan yn yr ymarfer ac adolygu pariadau data yn cynnwys y sicrwydd y gall canlyniadau'r Fenter Twyll Genedlaethol ei ddarparu ynglŷn â rheolaethau mewnol. Mae canlyniadau'r Fenter Twyll Genedlaethol hefyd yn amlygu meysydd ar gyfer eu gwella.
7. Mae cynllun cyflawni Strategaeth Atal Twyll, Llwgwrwobrwyo a Llygredd y Cyngor 2025-28 yn cydnabod bod gwneud y defnydd gorau o wybodaeth a thechnoleg trwy gymryd rhan yn y Fenter Twyll Genedlaethol yn gallu lliniaru'r risg o dwyll, llwgwrwobrwyo a llygredd o fewn ac yn erbyn y Cyngor.
8. Mae Archwilio Cymru'n awgrymu bod cwblhau Rhestr Wirio Hunanwerthuso'r Fenter Twyll Genedlaethol (sydd ar gael yn [Atodiad 1](#)) yn helpu'r cyrrff sy'n cymryd rhan i hunanwerthuso'r modd y maent yn ymgysylltu â'r Fenter Twyll Genedlaethol ac mae'n annog cyrrff i'w gyflwyno i'r rheiny sy'n gyfrifol am lywodraethiant i gefnogi'r gwaith o graffu ar eu trefniadau ar gyfer y Fenter Twyll Genedlaethol.

Trosolwg o'r Broses

9. Cylch paru'r Fenter Twyll Genedlaethol:

- Cynhelir ymarfer paru data cynhwysfawr pob dwy flynedd, a chynhelir yr ymarfer yn flynyddol yn gysylltiedig â Disgownt Person Sengl y Dreth Gyngor
- Mae'r cyrff sy'n cymryd rhan yn cyflwyno'r data y maent wedi'i echdynnu ar wefan ddiogel.
- Mae system y Fenter Twyll Genedlaethol yn paru data o fewn a rhwng sefydliadau i ganfod anghysondebau posib, sy'n cael eu galw'n 'bariadau'.
- Mae'r 'pariadau' yn cael eu rhannu â'r cyrff sy'n cymryd rhan fel y gallant adolygu, ymchwilio a chofnodi'r canlyniadau'r ymchwiliadau hynny.
- Mae tîm y Fenter Twyll Genedlaethol yn darparu cefnogaeth drwy gydol yr ymarfer ac mae'n monitro gweithgarwch y cyfranogwyr.

10. Fel rhan o'r Fenter Twyll Genedlaethol yn 2024-25, ym mis Medi 2024 cyflwynodd y Cyngor ddata yn gysylltiedig â'r gwasanaethau a ganlyn:

- Tai - tenantiaid presennol a'r rhestr aros tai cymdeithasol
- Trwyddedau gyrrwyr tacsi
- Data'r gyflogres
- Hanes taliadau credydwy'r a data credydwy'r sefydlog
- Unigolion sy'n derbyn budd-dal dan y Cynllun Gostyngiadau'r Dreth Gyngor
- Data'r Dreth Gyngor a'r Gofrestr Etholiadol (cyflwynir yn flynyddol / Rhagfyr 2024)
- Yn ogystal â hyn, cyflwynodd yr Adran Gwaith a Phensiynau fanylion y rheiny sy'n derbyn budd-daliadau a chyflwynodd Gwasanaeth Digidol y Bathodyn Glas (BBDS) fanylion deiliaid bathodyn glas.

Canlyniadau blaenorol y Fenter Twyll Genedlaethol yng Nghymru

11. Yn ôl [adroddiad](#) gan Archwilio Cymru ym mis Hydref 2024, cofnododd yr ymarfer blaenorol yn 2022-23 "ganlyniadau" gwerth £7.1 miliwn ledled Cymru. Mae hyn yn gynnydd o £0.6 miliwn o'i gymharu â'r ymarfer yn 2020-21, ond yn llai na'r £8 miliwn a adroddwyd yn dilyn yr ymarfer yn 2028-19.
12. Roedd y canlyniadau'n gysylltiedig â Chynllun Gostyngiadau'r Dreth Gyngor i gyfrif am £2.9 miliwn (41%) o ganlyniadau'r ymarfer yn 2022-23.
13. Fe arweiniodd hefyd at ganslo 2,084 hawliad ar gyfer Disgownt Person Sengl y Dreth Gyngor mewn naw awdurdod lleol yng Nghymru a oedd wedi dadansoddi'r pariadau. Mae hyn yn dangos bod modd sicrhau arbedion ariannol gwirioneddol ac amcangyfrifedig da dwy fuddsoddi adnoddau mewn dadansoddi a gweithredu ar y pariadau hyn.
14. Mae'r ffigurau yn adroddiad Archwilio Cymru yn cynnwys:
 - Canlyniadau gwirioneddol - y symiau gwirioneddol y mae'r cyfranogwyr wedi'u cofnodi fel naill ai twyll, gwall neu ordaliad; a
 - Chanlyniadau amcangyfrifedig - amcangyfrif o'r swm a gollwyd o ganlyniad i'r twyll neu wall a ganfuwyd, a gwerth unrhyw golledion y byddai'r cyrff wedi'u profi yn y dyfodol oni bai eu bod wedi ymyrryd ar ôl derbyn pariad.

Adroddiadau Paru a Dderbyniwyd

15. Rhwng mis Ionawr a mis Mawrth 2025, derbyniodd y Cyngor 61 adroddiad unigol fel rhan o'r Fenter Twyll Genedlaethol, a oedd yn cynnwys 3,034 o bariadau unigol.
16. Mae'r pariaidau hyn yn gysylltiedig â'r meysydd a ganlyn (ceir manylion yn [Atodiad 2 – Menter Twyll Genedlaethol 2024-25 Crynodeb o'r Canlyniadau](#)):
 - Trwyddedau Parcio'r cynllun Bathodyn Glas
 - Cynllun Gostyngiadau'r Dreth Gyngor
 - Credydwy'r
 - Unigolion sy'n Hawlio'r Budd-dal Tai
 - Tenantiaid Tai
 - Rhestr Aros Tai
 - Y Gyflogres
 - Caffael
17. Hefyd, derbyniodd y Cyngor 3 adroddiad yn gysylltiedig â Disgownt Person Sengl y Dreth Gyngor, a oedd yn cynnwys 2,299 o bariadau.
18. Ar hyn o bryd, mae archwilio mewnol, ar y cyd â gwasanaethau, wedi dadansoddi'r canlyniadau a ganlyn, ac mae manylion y canlyniadau ariannol ar gael yn y tabl yn [Atodiad 2](#).

Data'r Gyflogres a Chredydwy'r / Tŷ'r Cwmnïau

19. Caiff data'r gyflogres a chredydwy'r ei baru â gwybodaeth Tŷ'r Cwmnïau i ganfod buddiannau posib sydd heb eu datgan a allai fod wedi rhoi mantais ariannol. Mae'r adroddiadau hyn yn cynnwys gweithwyr sy'n ymddangos fel petaent yn gyfarwyddwyr cofrestredig ar gwmnïau y mae'r Cyngor wedi masnachu â hwy a gweithwyr sydd â chyfeiriad sy'n gysylltiedig â chyfarwyddwr cwmni neu gwmni.
20. Mae'r pariaidau hyn yn cynnwys gweithwyr neu unigolion sy'n byw ar yr un aelwyd â rhywun sydd yn gyfarwyddwyr ar grwpiau cymunedol a/neu gwmnïau cyfyngedig preifat. Fodd bynnag, o'r sampl a ddadansoddwyd, ni ddaethpwyd o hyd i unrhyw enghreifftiau lle dylai gwrthdaro gwirioneddol / posib rhwng buddiannau fod wedi cael ei ddatgan. Yn seiliedig ar rôl y gweithiwr a natur y sefydliad / busnes, nid

oedd unrhyw risg o beri mantais ariannol o ganlyniad i beidio â datgan unrhyw fuddiant.

Trwyddedau Parcio'r cynllun Bathodyn Glas a chofnodion marwolaethau'r Adran Gwaith a Phensiynau

21. Caiff deiliaid Bathodyn Glas eu paru â chofnodion marwolaethau'r Adran Gwaith a Phensiynau i ganfod achosion pan fo deiliad trwydded wedi marw, ond nad yw'r awdurdod lleol yn ymwybodol o hynny.
22. Yn dilyn trafodaethau â'r Gwasanaeth Trawsnewid Corfforaethol / Cyswllt Môn, sy'n gyfrifol am weinyddu'r cynllun 'Bathodyn Glas', nodwyd gwall yn achos pob un o'r 243 pariad a ganfuwyd yn ystod y Fenter Twyll Genedlaethol ddiweddaraf h.y. roedd y bathodynau'n weithredol ar y system, ond nid oedd y gwasanaeth wedi cael gwybod am y farwolaeth.
23. Yn unol â nodyn briffio mewnol Cyswllt Môn a'n hymholiadau mewnol, mae'r system Dywedwch Wrthym Unwaith yn cael ei gwirio'n wythnosol ac mae unigolion sydd wedi marw'n cael eu tynnu oddi ar:
 - Y Gofrestr Bathodyn Glas
 - Y Gofrestr Hylendid
 - Y Gofrestr Casgliad â Chymorth
24. Fodd bynnag, oni bai bod y farwolaeth yn cael ei chofnodi drwy'r cynllun Dywedwch Wrthym Unwaith neu bod teulu'r ymadawedig yn cysylltu â Cyswllt Môn yn uniongyrchol, nid yw'r Bathodyn Glas yn cael ei ganslo fel y gwelir uchod. Felly, mae prosesu pariaidau'r Fenter Twyll Genedlaethol yn ffordd defnyddiol o wirio'r wybodaeth a gedwir gan wasanaeth.
25. Mae'r pariaidau'n cwmpasu cyfnod o ddwy flynedd sydd gyfystyr â pheidio â chanslo dau Fathodyn Glas yr wythnos mewn da bryd am nad oedd y Cyngor wedi cael ei hysbysu am y farwolaeth.

Tenantiaid Tai a data marwolaethau'r Adran Gwaith a Phensiynau

26. Mae'r adroddiad hwn yn nodi achosion lle mae tenant wedi marw, ond gan nad oedd yr awdurdod lleol yn ymwybodol o hynny nid yw wedi tynnu enw'r tenant oddi ar y denantiaeth neu nid yw wedi diwygio ei gofnodion.

27. Mae'r gwasanaeth tai wedi dadansoddi'r 26 pariad a chadarnhau nad oedd yr un achos o dwyll. Mae rhai tenantiaethau wedi parhau yn enw'r ymadawedig wrth i hawliadau goroesedd / olyniaeth gael eu penderfynu. Mae'r gwasanaeth yn cydnabod bod oedi wedi bod wrth ddod i benderfyniad ynglyn â rhai achosion. Yn achos chwe phariad, nid oedd y gwasanaeth yn ymwybodol bod y tenant wedi marw, fodd bynnag roedd y cyd-denant / partner yn dal i fyw yn y cyfeiriad. Mae'r cofnodion wedi cael eu diwygio erbyn hyn.

Tenantiaid Tai a chofnodion Perchnogaeth Eiddo CThEF

28. Mae data tenantiaethau'r Cyngor wedi cael ei baru â chofnodion perchnogaeth eiddo CThEF i ganfod unrhyw asedau a oedd heb gael eu datgan wrth ymgeisio am dŷ cyngor, neu eiddo a brynwyd yn ddiweddarach a allai fod wedi cael ei ddefnyddio fel prif gartref gyda'r tŷ cyngor yn cael ei danosod.

29. Mae'r gwasanaeth tai wedi dadansoddi'r chwe phariad a chadarnhau nad oedd yr un achos o dwyll/gwall. Mae'r gwasanaeth wedi cadarnhau bod sawl rheswm pam y gallai ymgeiswyr sydd eisoes yn berchen ar eiddo fod yn gymwys am dŷ cymdeithasol yn cynnwys tor perthynas, anghenion meddygol cymhleth a chyfalaf yn unol â pholisi trothwyon y Cyngor.

Tenantiaid Tai a Budd-daliadau Gwladol

30. Mae'r data yn gysylltiedig â thenantiaid tai wedi cael ei baru â data'r Adran Gwaith a Phensiynau i ganfod achosion posib o dwyll yn erbyn y Cyngor, h.y. pan ei bod yn ymddangos bod unigolyn yn byw mewn dau wahanol gyfeiriad.

31. Mae'r gwasanaeth tai eisoes wedi dadansoddi saith pariad. Yn gysylltiedig â thri phariad, mae angen diweddarau data cyfeiriadau'r Adran Gwaith a Phensiynau i adlewyrchu eu hamgylchiadau presennol. Yn gysylltiedig â dau bariad, mae'r tenant yn hawlio budd-daliadau gwladol erbyn hyn yn gysylltiedig â gofal cartref preswyl - fodd bynnag, mae'r cyd-denant (gŵr/gwraig) yn dal i fyw yn y tŷ cyngor ac felly nid oes unrhyw newid sylweddol wedi bod.

32. Nid yw un pariad wedi cael ei ddilysu'n llawn eto gan fod y gwasanaeth yn gwneud ymholiadau pellach i benderfynu p'un a yw'r tenant yn byw yn mewn cartref preswyl yn barhaol a/neu p'un a yw'r ferch yn dal i fyw yn y tŷ cyngor. O ganlyniad i'r pariad hwn mae'n bosib y bydd yr eiddo yn dod ar gael i denant(iaid) newydd.

Tenantiaid Tai a Chynllun Gostyngiadau'r Dreth Gyngor (rhwng Sefydliadau)

33. Mae'r data tenantiaid tai wedi cael ei baru â data Cynllun Gostyngiadau'r Dreth Gyngor i nodi achosion posib o dwyll tenantiaeth a/neu geisiadau amhriodol am ostyngiad yn y dreth gyngor, pan ei bod yn ymddangos bod yr unigolyn yn byw mewn dau wahanol gyfeiriad.

34. Rydym wedi dadansoddi un pariad a gyflwynwyd gan y Fenter Twyll Genedlaethol ac wedi dod i'r casgliad nad oes sail dros ymchwilio i'r mater ymhellach gan fod y pariad yn seiliedig ar enw yn unig ac nid oedd yn darparu dyddiad geni neu rif yswiriant gwladol. Roedd y tenant hefyd yn gydatebol ac wedi bod yn drethdalwr yn y cyfeiriad ar Ynys Môn ers 1993, felly roedd y pariad yn cael ei ystyried yn bariad risg isel.

Rhestr Aros ac Unigolion sy'n Hawlio'r Budd-dal Tai

35. Mae data'r rhestr aros wedi cael ei baru â data'r Budd-dal Tai i ganfod achosion posib o dwyll rhestr aros, h.y. lle mae'n ymddangos bod unigolyn wedi cofrestru ar y rhestr aros gan ddefnyddio cyfeiriad sy'n wahanol i'r cyfeiriad sydd ar y system budd-dal tai, gan awgrymu nad ydynt wedi datgelu newid yn eu hamgylchiadau neu eu bod wedi darparu gwybodaeth ffug.

36. Mae'r pum pariad wedi cael ei ddadansoddi ond ni ddaethpwyd o hyd i achosion newydd o dwyll/gwallau. Er enghraifft, yn gysylltiedig ag un pariad, roedd yr ymgeisydd a oedd ar y rhestr aros am dŷ cyngor wedi newid ei chyfeiriad i gyfeiriad ei mam gan nad oedd yn derbyn ei llythyrau. Fodd bynnag roedd yn dal i fyw yn y cyfeiriad lle'r oedd yn hawlio'r budd-dal tai.

Rhestrau Aros

37. Mae rhestrau aros y Cyngor wedi cael eu paru i ganfod unigolion sydd wedi cofrestru ddwywaith gan ddefnyddio dau wahanol gyfeiriad, gan

awgrymu, o bosib, nad ydynt wedi datgelu newid yn eu hamgylchiadau neu eu bod wedi darparu gwybodaeth ffug.

38. Mae'r gwasanaeth wedi dadansoddi'r chwe phariad. Yn gysylltiedig ag un pariad, er ei fod yn bariad cywir, roedd y gwasanaeth eisoes wedi diweddarau eu rhestr aros a thynnu'r ymgeisydd oddi ar y rhestr cyn derbyn adroddiad y Fenter Twyll Genedlaethol. O ran y pum pariad arall, yn dilyn dadansoddiad penderfynwyd nad oedd unrhyw broblemau yn gysylltiedig â'r pariadau hyn ac roedd rhai ceisiadau wedi cael eu canslo'n awtomatig yn sgil diffyg ymateb i'r ffurflen adolygu.

Cynllun Gostyngiadau'r Dreth Gyngor a data CThEF (Enillion a Chyfalaf)

39. Mae data Cynllun Gostyngiadau'r Dreth Gyngor wedi cael ei baru â gwybodaeth CThEF ar Enillion a Chyfalaf i ganfod achosion lle mae'r sawl sy'n derbyn gostyngiad o dan y Cynllun wedi methu â datgan enillion a chyfalaf perthnasol a fyddai'n golygu nad ydynt yn gymwys i dderbyn gostyngiad.
40. Mae'r gwasanaeth wedi derbyn y pariadau risg uwch sy'n seiliedig ar y tebygolrwydd a'r gwerth.
41. Rydym yn dal i aros am ymateb ganddynt ynglyn â chanlyniad eu hymchwiliad.

Hanes taliadau credydwy'r a data credydwy'r sefydlog

42. Mae 10 adroddiad yn gysylltiedig â hanes taliadau a data credydwy'r.
43. Mae Adroddiad 708 "Adroddiadau dyblyg yn ôl swm a chyfeirnod credydwr" yn amlygu taliadau dyblyg gwerth dros £1,000 a hynny o bosib yn sgil mesurau rheoli gwael neu dwyll gan gyflenwyr a / neu staff. Nid yw'r adroddiad hwn yn gofyn am gyfeirnod anfoneb er mwyn paru; ac felly mae'n cynnig pob math o bariadau tebygolrwydd isel.
44. Mae trosolwg o sampl o'r pariadau risg uwch yn awgrymu eu bod o ganlyniad i daliadau cyfreithlon, rheolaidd gan y Cyngor i gredydwy'r / cyrff praeseptio amrywiol.

45. Gan fod archwilio mewnol wedi cynnal ymarfer dadansoddi data parhaus yn ddiweddar i ganfod taliadau dyblyg i gredydwy'r, nid yw'r gwasanaeth wedi buddsoddi adnodd ychwanegol i ddadansoddi'r pariadau risg isel hyn.
46. Mae adroddiadau eraill y Fenter Twyll Genedlaethol yn y maes hwn yn ymwneud â phroblemau posib megis enwau a rhifau cyfrifon banc dyblyg.
47. Oherwydd llwyth gwaith a blaenoriaethau, nid yw'r gwasanaeth wedi gallu buddsoddi adnodd i ddadansoddi'r pariadau hyn.

Pariadau Disgownt Person Sengl y Dreth Gyngor

48. Mae bil llawn y dreth gyngor yn seiliedig ar ddau oedolyn yn byw ar yr aelwyd o leiaf. Mae pobl sy'n byw ar eu pen eu hunain, neu ag oedolion sydd wedi'u heithrio rhag talu'r dreth gyngor, yn gymwys i ddisgownt o 25%, sef y disgownt person sengl / diystyru. Mae'r Fenter Twyll Genedlaethol yn paru data'r dreth gyngor â'r gofrestr etholiadol a phob math o setiau data eraill i helpu i ganfod achosion pan na ddylai pobl fod yn derbyn y disgownt.
49. Fel yr adroddwyd yn flaenorol i'r pwyllgor ym mis Rhagfyr 2023 a Mehefin 2024, mae'r tîm Refeniw yn y broses o benodi darparwr allanol i gynnal adolygiad wedi'i reoli'n llawn o'r Disgownt Person Sengl.
50. Bydd yr adolygiad hwn yn defnyddio data dadansoddol, data ariannol diweddaraf canolfannau credyd a sgiliau ymchwilio traddodiadol gan unigolion i fonitro pawb sy'n hawlio'r Disgownt Person Sengl ar hyn o bryd ac adolygu ceisiadau newydd, dros gyfnod cytunedig o amser. Mae'r broses gaffael wedi wynebu oedi amrywiol ac mae wedi'i gohirio erbyn hyn tra bo'r Tîm TG yn ymchwilio'n drylwyr i'r cyflenwr yn unol â gofynion diogelwch seiber y Tîm TG.
51. Mae'r adroddiadau canlynol wedi cael eu cynhyrchu gan y Fenter Twyll Genedlaethol. Fodd bynnag, yn sgil yr adolygiad allanol arfaethedig, mae'r Tîm Refeniw o'r farn mai dyblygu gwaith fyddai defnyddio adnoddau i ddadansoddi'r pariadau hyn.

Y Dreth Gyngor - Disgownt person sengl a'r Gofrestr Etholiadol

52. Mae'r adroddiad yn nodi cyfeiriadau lle mae'r preswlydd yn hawlio disgownt person sengl y dreth gyngor yn seiliedig ar y ffaith nad oes yr un oedolyn arall yn byw yn y cyfeiriad, fodd bynnag mae'r gofrestr etholiadol yn dangos bod mwy nag un peron ar yr aelwyd yn 18 oed neu'n hŷn.

Disgownt Person Sengl y Dreth Gyngor - Bron yn 18 oed

53. Mae'r adroddiad yn nodi cyfeiriadau lle mae'r trethdalwr yn hawlio disgownt person sengl y dreth gyngor yn seiliedig ar y ffaith nad oes yr un oedolyn arall yn byw yn yr eiddo; fodd bynnag, mae data'r gofrestr etholiadol yn dangos bod rhywun arall yn byw ar yr aelwyd sydd bron yn 18 oed neu sydd dros 18 oed ers yr ymarfer paru data.
54. Cafodd y pariadau hyn eu hanfon at y Swyddog Cydymffurfiaeth Treth i'w dadansoddi. Gan na fyddai gwybodaeth o'r fath wedi bod yn rhan o gwmpas yr adolygiad allanol o Ddisgownt Person Sengl y Dreth Gyngor, mae'n ddoeth gwerthuso'r pariadau hyn fel y gellir nodi dyddiad dod i ben ar gyfer y disgownt person sengl ac adolygu'r disgowntiau diystyru eraill e.e. os ydi'r unigolyn sydd bellach yn 18 oed mewn addysg bellach / uwch.
55. Mae pob un o'r 100 pariad wedi cael ei adolygu. O ganlyniad, mae hanner cant o gyfrifon wedi cael eu diwygio ac mae dyddiad dod i ben posib wedi cael ei nodi ar gyfer y Disgownt Person Sengl, i gyd-fynd â phen-blwydd yr unigolyn yn 18 oed. Fodd bynnag, mae'n annhebygol y bydd y newidiadau hyn yn cynyddu refeniw'r dreth gyngor yn gysylltiedig â phob un o'r 50 cyfrif gan y bydd rhai unigolion 18 oed yn cael eu diystyru gan eu bod mewn addysg lawn amser.

56. Felly bydd y disgownt diystyru o 25% yn weithredolo hyd nes y byddant wedi cwblhau eu cwrs. Fodd bynnag, mae'r ymarfer yn sicrhau bod cofnodion Refeniw'n cael eu diweddarau a bydd yn cynhyrchu refeniw ychwanegol mewn sawl achos.

Y Dreth Gyngor a Setiau Data Eraill

57. Mae'r adroddiad yn nodi cyfeiriadau lle mae'r preswlydd yn hawlio disgownt person sengl y dreth gyngor yn seiliedig ar y ffaith eu bod yn byw ar eu pen eu hunain, ond mae gwybodaeth y Fenter Twyll Genedlaethol / setiau data eraill (e.e. deiliaid Bathodyn Glas, pobl sy'n hawlio disgownt o dan Gynllun Gostyngiadau'r Dreth Gyngor, pobl sy'n hawlio'r Budd-dal Tai, Tenantiaid Tai, Rhestr Aros Tai, y Gyflogres) yn awgrymu bod mwyn nag un person yn byw ar yr aelwyd.

Y Dreth Gyngor a data marwolaethau'r Gwasanaeth Datgelu Gwybodaeth am Farwolaethau Cofrestredig

58. Gall yr adroddiad paru hwn gynorthwyo'r cyngor i ddod o hyd i drethdalwyr y gellir eu dileu oddi ar y bil gan eu bod wedi marw ond bod y cyngor heb gael ei hysbysu gan berthnasau'r unigolyn / teulu agosaf / ysgutorion, er mwyn osgoi taliadau uwch o bosib, a fyddai'n gallu cael ei ystyried yn dwyll. Lle bo'n briodol gellir adolygu disgowntiau neu eithriadau sydd hefyd yn cael eu hawlio'n dwyllodrus ar gyfer y cyfeiriad hwnnw yn ogystal.
59. Mae Archwilio Mewnol wedi adolygu pum pariad. Cadarnhawyd bod dau o'r pump yn wallau, h.y. nid oedd y Cyngor wedi cael gwybod am farwolaeth y trethdalwr.
60. Yn enghraifft 1, mae Eithriad Dosbarth F¹ wedi cael ei ddefnyddio ac mae pob ymdrech i adennill y symiau dyledus wedi cael ei ohirio am y tro.
61. Yn enghraifft 2, mae'r Eithriad Dosbarth I² wedi cael ei ganslo a'i newid i eithriad Dosbarth F. Wedi i'r eithriad Dosbarth F ddod i ben 6 mis o ddyddiad y grant profiant, anfonwyd bil o £1,543.51 ar gyfer 2025-26.

¹ Ceir diffiniad o Eithriad Dosbarth F yng Ngorchymyn y Dreth Gyngor (Anheddau wedi'u Heithrio) 1992. Mae'n berthnasol i anheddau gwag lle mae'r preswlydd blaenorol wedi marw, a'r unig berson sy'n atebol i dalu'r dreth gyngor ydi'r sawl sy'n gweinyddu'r ystâd. Mae'r eithriad yn ddilys am hyd at chwe mis ar ôl derbyn y grant profiant neu lythyrau gweinyddu.

² Mae'r eithriad dosbarth I yn berthnasol i eiddo gwag a oedd yn unig neu brif gartref i berson sydd wedi symud i fyw i rywle arall i dderbyn gofal personol nad yw'n cael ei ddarparu mewn ysbyty neu gartref gofal, fel arfer oherwydd henaint, anabledd neu gyflyrau cysylltiedig.

Casgliad

62. Unwaith eto rydym yn ddiolchgar i'r gwasanaethau sydd wedi cymryd rhan am ddadansoddi pariadau'r Fenter Twyll Genedlaethol a/neu am ymateb i'n hymholiadau.
63. Mae'r nifer isel o wallau/achosion o dwyll y gysylltiedig â'r meysydd paru hefyd yn darparu sicrwydd bod y rheolaethau mewnol sydd gennym ar waith yn gadarn, h.y. yn gysylltiedig â thenantiaid Tai / Rhestrau Aros, y Gyflogres a Chaffael.
64. Yn yr un modd, mae'r cyfle fel rhan o'r broses hon i ganfod gwendidau mewn rheolaethau mewnol a thrafod sut i gryfhau prosesau gyda rheolwyr, a'r ffaith nad yw hyn yn cael ei adlewyrchu yng nghanlyniadau ariannol y Fenter Twyll Genedlaethol, yn fantais arall nad oes modd pennu gwerth arni.
65. Mae mireinio'r modd y caiff pariadau eu gwerthuso gan wasanaethau i sicrhau mwy o effeithlonrwydd ac effeithiolrwydd yn amcan a fydd y cael ei thrafod gyda phenaethiaid gwasanaeth ac uwch reolwyr wrth symud ymlaen er mwyn sicrhau bod ymarferion yn y dyfodol yn sicrhau mwy o elw ar fuddsoddiadau.
66. Fel y nodwyd yn yr adroddiad hwn ac mewn adroddiadau blaenorol, nid yw'r Gwasanaeth Refeniw a Budd-daliadau wedi dadansoddi'r pariadau'n gysylltiedig â Disgownt Person Sengl y Dreth Gyngor gan ei fod yn bwriadu defnyddio darparwr allanol i gynnal adolygiad o ddisgowntiau ac eithriadau cyn diwedd 2025-26. O ganlyniad, nid yw'r Cyngor wedi llwyddo i gymryd mantais lawn o'r Fenter Twyll Genedlaethol drwy ddadansoddi'r pariadau mwyaf gwerthfawr.
67. Rhaid cydnabod eto bod y gwallau gyda 'Bathodynau Glas' wedi gogwyddo'r canlyniadau ariannol yn sylweddol.
68. Wrth edrych ar newidiadau posib ar gyfer y dyfodol, mae'r Fenter Twyll Genedlaethol yn y broses o ddiwygio Deddf Archwilio Lleol ac Atebolrwydd 2014 a Deddf Archwilio Cyhoeddus (Cymru) 2004 drwy Orchymyn Diwygio Deddfwriaethol a fyddai'n galluogi'r Fenter Twyll Genedlaethol i ailgychwyn yr ymarfer paru a rhannu data gydag awdurdodau lleol yn gysylltiedig â'r maes gofal cymdeithasol i oedolion.
69. Roedd y gwaith hwn i fod i gael ei gwblhau yn gynharach eleni, ond bu oedi yn y broses ddeddfwriaethol ac mae timau Seneddol yn gweithio'n rhagweithiol i fwrw 'mlaen â'r broses. O ganlyniad, bydd y gwaith o gasglu data gofal cymdeithasol i oedolion yn cael ei ohirio hyd nes y bydd y broses wedi cael ei chwblhau.
70. Er mwyn paratoi ar gyfer y newidiadau hyn, rydym yn gweithio gyda'r gwasanaeth i sicrhau bod ein hysbysiadau preifatrwydd yn cydymffurfio â'r Rheoliad Cyffredinol ar Ddiogelu Data'r DU (GDPR) yn gysylltiedig â pharu data ym maes gofal cymdeithasol i oedolion a'n bod ni'n barod ac â'r gallu i echdynnu data ynglŷn â Chartrefi Gofal Preswyl a Chyllidebau Personol (taliadau uniongyrchol) yn unol â manylebau data'r Fenter Twyll Genedlaethol.
71. Yn olaf, mae cwblhau rhestr wirio hunanwerthuso'r Fenter Twyll Genedlaethol wedi dangos bod y cyngor yn ymgysylltu'n dda â'r Fenter Twyll Genedlaethol, ond gyda mwy o adnoddau, gallai wneud mwy i sicrhau ei fod yn cymryd mantais lawn o'r ymarfer drwy ymchwilio i fwy o bariadau.

Atodiad 1 – Rhestr Wirio Hunanasesu'r Fenter Twyll Genedlaethol

		Do/Ydi/Ydym / Yn Rhannol / Na	Sylwadau / Camau Gweithredu	Pa gamau a ddylid eu cymryd, gan bwy a phryd?
Arweinyddiaeth, ymrwymiad a chyfathrebu				
1	Ydym ni wedi ymrwymo i'r Fenter Twyll Genedlaethol? Ydi'r cyngor / bwrdd, y rheiny sy' gyfrifol am lywodraethiant ac uwch reolwyr wedi datgan eu bod yn cefnogi'r ymarfer ac ydi'r staff perthnasol yn ymwybodol o hyn?	Do	- Mae cymryd rhan yn y Fenter Twyll Genedlaethol wedi'i gynnwys yn Strategaeth Gwrth-dwyll, Llwgrwobrwyo a Llygredd y Cyngor ar gyfer 2025-2028. - Mae canlyniadau'r Fenter Twyll Genedlaethol yn cael eu cynnwys mewn adroddiad blynyddol i'r Pwyllgor Llywodraethu ac Archwilio.	
2	Ydym ni wedi ymrwymo adnoddau penodol i reoli'r NFI yn gyffredinol? Os oes gwybodaeth ar gael, faint o amser mae'r Prif Gyswllt wedi'i dreulio ar yr ymarfer diwethaf, a faint sydd wedi cael ei ddyrannu ar gyfer yr ymarfer nesaf?	Do	2 x Prif Gyswllt (x1 Strategol, x1 Gweithredol) - Dim gwybodaeth ynglyn â'r amser a ddyrannwyd	
3	Ydi'n Prif Gyswllt yn swyddog addas ar gyfer y rôl honno, h.y., oes ganddo ddigon o wybodaeth i sicrhau bod y Fenter Twyll Genedlaethol yn cael ei chyflawni'n effeithiol?	Ydi	Pennaeth Archwilio a Risg / Uwch Archwilydd	
4	Ydi archwilio mewnol, neu wasanaeth cyfatebol, yn monitro ein hagwedd tuag at y Fenter Twyll Genedlaethol a phrif ganlyniadau'r ymarfer, gan sicrhau bod unrhyw wendidau'n cael eu datrys pan fo hynny'n berthnasol?	Ydi	- Mae'r Pennaeth Archwilio a Risg yn monitro ac adrodd ar ymarfer paru data'r Fenter Twyll Genedlaethol. (Prif Gyswllt Strategol) - Mae Uwch Archwilydd yn brif gyswllt allweddol a chydlynedd (gweithredol) ar gyfer y Fenter Twyll Genedlaethol - maent yn ymchwilio i bariadau ac yn eu cydlynu ac yn uwch gyfeirio canfyddiadau pan fo hynny'n briodol. Fe all hyn amlygu gwendidau rheoli i'r Pennaeth Archwilio a Risg a darparu gwybodaeth ar gyfer cynllunio gwaith archwilio a darparu sicrwydd. - Mae'r canlyniadau'n cael eu cyflwyno mewn adroddiad i'r Pwyllgor Llywodraethu ac Archwilio.	

		Do/Ydi/Ydym / Yn Rhannol / Na	Sylwadau / Camau Gweithredu	Pa gamau a ddylid eu cymryd, gan bwy a phryd?
Cynllunio a pharatoi				
5	Ydym ni'n cynllunio'n briodol ar gyfer pob agwedd ar y Fenter Twyll Genedlaethol a gosod terfynau amser mewnlol?	Ydym	Mae Archwilio Mewnlol yn cynllunio'n effeithiol i sicrhau bod data yn cael ei uwchlwytho yn unol ag amserlen y Fenter Twyll Genedlaethol a'i fod yn sicrhau ansawdd y data hwnnw.	
6	Yn achos y Fenter Twyll Genedlaethol ar gyfer 2024-25, a wnaethom ni ddarparu'r holl ddata mewn da bryd gan wneud defnydd priodol o'r cyfleuster ar gyfer uwch lwytho data yn ddiogel?	Do		
7	Yn achos y Fenter Twyll Genedlaethol ar gyfer 2024-25, a wnaethom ni gadarnhau mewn da bryd (gan ddefnyddio'r cyfleuster ar y wefan ddiogel) ein bod wedi cwrdd â gofynion yr hysbysiad prosesu teg?	Do		
8	Ydym ni'n adolygu canlyniadau gwiriadau Ansawdd Data cyn mynd ati i ymchwilio?	Na	<i>"Dim Adroddiad Ansawdd Data ar gyfer y data"</i> ar safle'r Fenter Twyll Genedlaethol. Fodd bynnag, cynhelir gwiriadau ansawdd cyn cyflwyno data.	Holi'r Fenter Twyll Genedlaethol ynglyn â'r neges <i>"Dim Adroddiad Ansawdd Data ar gyfer y data"</i> . Prif Gyswllt
9	Ydi staff yn cymryd amser i ddarllen y canllawiau a ddarperir ar sut i ddilyn pariadau'r Fenter Twyll Genedlaethol (sy'n bwysig iawn i'r rheiny sy'n cymryd rhan yn y Fenter Twyll Genedlaethol am y tro cyntaf), ac a ydynt yn ymgynghori â'r thîm y Fenter Twyll Genedlaethol os ydynt yn ansicr sut i gofnodi'r canlyniadau?	Yn rhannol	Caiff canlyniadau eu cofnodi ar system y Fenter Twyll Genedlaethol gan y Prif Gyswllt	
10a	Ydym ni wedi ystyried defnyddio'r gwasanaeth paru wrth gyflwyno data (AppCheck) y mae tîm y	Do	Mae'r Gwasanaeth Tai wedi defnyddio AppCheck i atal twyll tenantiaeth / ceisiadau twyllodrus.	

		Do/Ydi/Ydym / Yn Rhannol / Na	Sylwadau / Camau Gweithredu	Pa gamau a ddylid eu cymryd, gan bwy a phryd?
	Fenter Twyll Genedlaethol yn ei gynnig i wella rheolaethau mewnol ac atal twyll a gwallau?			
10b	Os nad ydych yn defnyddio AppCheck, oes yna sail resymol glir dros wneud hynny?	Amherthnasol		
Dilyn pariadau i fyny yn effeithiol				
11	Ydym ni wedi dogfennu'n dull ar gyfer asesu'r risgiau yn gysylltiedig ag adroddiadau paru data ac ymchwilio i bariadau?	Na	- Nid yw'r dull wedi ei ddogfennu'n ffurfiol - Defnyddio Canrannau Sgorio Risg y (Fenter Twyll Genedlaethol i flaenoriaethu'r pariadau yr ydym yn ymchwilio iddynt. - Trefnu pariadau yn ôl yr arbediad posib h.y. blaenoriaethu'r arbediad uchaf.	
12	Ydi'n dull yn rhoi blaenoriaeth i risgiau twyll lleol?	Yn rhannol	Gan fod Archwilio Mewnol yn cynnal ei ymarferion monitro parhaus ei hun drwy ddadansoddi data credydwy'r (i ganfod unrhyw daliadau dyblyg / gwallau), mae llai wedi cael ei wario ar ddadansoddi pariadau'r Fenter Twyll Genedlaethol i osgoi dyblygu gwaith.	
13	Ydi'n dull yn rhoi blaenoriaeth i bariadau risg uchel, rheiny sy'n dyddio'n gyflym a rheiny a all achosi risg i'n henw da pe na fyddai achos o dwyll neu wall yn cael ei atal yn gyflym?	Ydi	Fel y trafodwyd uchod, mae'r dull yn rhoi blaenoriaeth i bariadau risg uchel, o ran gwerth a difrod i enw da, e.e. Tenantiaeth Tai / Rhestr Aros / Caffael / Cynllun Gostyngiadau'r Dreth Gyngor	
14	Oes adnoddau ac arbenigedd digonol ar gael ar yr adeg gywir i fanteisio i'r eithaf ar ganlyniadau'r Fenter Twyll Genedlaethol?	Na	Mae adnoddau gan yr adran Refeniw a Budd-daliadau wedi bod yn annigonol i ymchwilio i'r pariadau risg uchel yn gysylltiedig â Chynllun Gostyngiadau'r Dreth Gyngor.	
15	Ydi'r Prif Gyswllt yn cydlynu ymchwiliadau ledled adrannau mewnol i osgoi dyblygu gwaith neu achosi oedi wrth ganfod gordaliadau a sicrhau bod camau perthnasol yn cael eu cymryd, er enghraifft, trefnu ymchwiliad ar y cyd ar bariadau	Ydi		

		Do/Ydi/Ydym / Yn Rhannol / Na	Sylwadau / Camau Gweithredu	Pa gamau a ddylid eu cymryd, gan bwy a phryd?
	disgownt person sengl yn gysylltiedig â'r budd-dal tai?			
16	(Mewn cyrff iechyd) Ydym ni'n gwneud defnydd priodol o'r help ac arbenigedd sydd ar gael gan Wasanaeth Gwrth-dwyll GIG Cymru?	Amherthnasol		
17	Ydym ni'n ymchwilio'n ddigonol i'r amgylchiadau yn gysylltiedig â'r pariadau cyn dod i'r casgliad 'dim problemau', yn benodol?	Yn rhannol		
18	Ydym ni'n adolygu'r hyn sydd wedi achosi'r twyll a gwallau ac yn defnyddio'r wybodaeth i wella rheolaethau mewnol?	Ydym	Mae natur a nifer y pariadau yn gysylltiedig â Chynllun Gostyngiadau'r Dreth Gyngor yn awgrymu bod angen gwerthuso'r rheolaethau sydd ar waith i adolygu ceisiadau byw.	
19	Ydym ni'n cymryd camau priodol pan ddeuir o hyd i dwyll neu wallau posib, e.e. adennill yr arian (boed yn gamau disgyblu, dirwyon / rhybuddion neu'n rhoi gwybod i'r Heddlu neu Wasanaeth Atal Twyll GIG Cymru)?	Amherthnasol		
20	Ydym ni'n ymateb yn brydlon i ymholiadau gan sefydliadau eraill sy'n rhan o'r Fenter Twyll Genhedlaeth?	Ydym	Wedi ymateb yn brydlon i sylwadau / ymholiadau gan sefydliadau eraill.	
Cofnodi ac adrodd				
21	Ydym ni'n cofnodi canlyniadau'n briodol ar wefan ddiogel ac yn diweddarau'r wybodaeth honno?	Yn rhannol		
22	Ydym ni'n darparu adborth priodol a rheolaidd i uwch reolwyr, aelodau'r bwrdd / cyngor a'r rheiny sy'n gyfrifol am lywodraethiant ar weithgareddau a chanlyniadau'r Fenter Twyll Genedlaethol?	Ydym	Mae uwch reolwyr wedi'n cyngori nad yw eu gwasanaeth yn ymateb i ymholiadau'n gysylltiedig â phariadau a p'un a yw eu gwasanaeth yn ymchwilio i bariadau risg uchel. Adroddiad ar gynnydd / canlyniadau'r Fenter Twyll Genedlaethol i'r Pwyllgor Llywodraethu ac Archwilio 2025.	

		Do/Ydi/Ydym / Yn Rhannol / Na	Sylwadau / Camau Gweithredu	Pa gamau a ddylid eu cymryd, gan bwy a phryd?
23	Ydym ni'n darparu sicrwydd i'r rheiny sy'n gyfrifol am lywodraethiant ein bod yn deall pam fod y twyll neu wallau wedi digwydd a bod camau'n cael eu cymryd i fynd i'r afael â hwy a gwella rheolaethau mewnol?	Yn rhannol		
24	Os nad ydym wedi cyflwyno data neu ddefnyddio'r parïadau a anfonwyd atom, e.e. disgownt person sengl y dreth gyngor, ydym ni'n fodlon bod gennym drefniadau eraill ar waith i ganfod twyll ac ydym ni'n gwybod os ydi'r rheiny'n llwyddiannus?	Yn rhannol	Nid yw parïadau'r Fenter Twyll Genedlaethol yn gysylltiedig â disgownt Person Sengl y Dreth Gyngor wedi cael eu dadansoddi oherwydd bod y gwasanaeth yn bwriadu defnyddio opsiynau paru data mwy effeithiol. Fodd bynnag, ar yn o bryd, nid yw'r ymarfer wedi digwydd oherwydd y gofynion TG ac felly ni allwn asesu llwyddiant yr ymarfer.	
25	Ydym ni'n cyhoeddi canlyniadau'r Fenter Twyll Genedlaethol yn fewnol ac allanol er mwyn annog pobl i beidio â chyflawni twyll?	Yn rhannol	Mae adroddiad ar gynnydd / canlyniadau'r Fenter Twyll Genedlaethol yn cael ei gyhoeddi ar wefan y cyngor, yn gysylltiedig â'r Pwyllgor Llywodraethu ac Archwilio.	
26	Os ydym, o ddewis, yn cofnodi rhai neu bob canlyniad y tu allan i'r wefan ddiogel, ydym ni wedi trefnu i roi gwybod i dîm y Fenter Twyll Genedlaethol am y canlyniadau hyn?	Amherthnasol		

Atodiad 2 – Menter Twyll Genedlaethol 2024-25: Crynodeb o'r Canlyniadau

Maes Adrodd	Nifer y pariadau	Nifer y pariadau a ddadansoddwyd / a gafodd eu cyfeirio at y gwasanaeth	Twyll/Gwall a Gadarnhawyd	Aros am gadarnhad gan y Gwasanaeth/ yn cael ei ddadansoddi	Canlyniadau'r Fenter Twyll Genedlaethol (gwirioneddol / tybiedig)
Trwyddedau Parcio'r cynllun Bathodyn Glas	270	243	243	Amherthnasol	£193,000
Cynllun Gostyngiadau'r Dreth Gyngor	506	29	Disgwyl ymateb	21	Disgwyl ymateb
Credydwyd	1,889	7	0	0	£0.00
Unigolion sy'n Hawlio'r Budd-dal Tai	7	6	0	1	£0.00
Tenantiaid Tai	194	50	6 (gwall)	1	Disgwyl ymateb
Rhestr Aros Tai	26	20	1	1	£4,283
Y Gyflogres	102	50			Disgwyl ymateb
Caffael	40	12	0	0	£0.00
Cyfanswm	3,034	417	250		£197,283

Maes Adrodd	Nifer y pariadau	Nifer y pariadau a ddadansoddwyd	Twyll / Gwall a Gadarnhawyd	Disgwyl cadarnhad gan y gwasanaeth	Canlyniadau'r Fenter Twyll Genedlaethol	Sylwadau
Disgownt Person Sengl y Dreth Gyngor a'r Gofrestr Etholiadol	1,577	0	0	0	£0.00	

Maes Adrodd	Nifer y pariadau	Nifer y pariadau a ddadansoddwyd	Twyll / Gwall a Gadarn hawyd	Disgwyl cadarnhad gan y gwasanaeth	Canlyniadau'r Fenter Twyll Genedlaethol	Sylwadau
Y Dreth Gyngor a'r rhai sydd bron yn 18 oed	100	100	50 cyfrif wedi ei addasu	0	Gweler sylwadau	Yn achos 50 cyfrif, mae dyddiad dod i ben dros dro wedi cael ei nodi ar gyfer y Disgownt Person Sengl, yn unol â phen-blwydd yr ail breswlydd. Fodd bynnag, mae'n bosib na fydd hyn yn arwain at gynnydd mewn refeniw ym mhob achos gan y bydd rhai unigolion 18 oed yn cael eu diystyru am eu bod mewn addysg lawn amser, ac felly bydd y disgownt diystyru o 25% yn dal i fod mewn grym hyd nes y byddant wedi gorffen y cwrs. Yn seiliedig ar y swm a godir ar gyfer eiddo band D, sef £1,721.70, pe byddai 25 allan o'r 50 cyfrif yn gorfod talu 100% o'r dreth, byddai'r cyngor yn derbyn £10,760 o refeniw ychwanegol y flwyddyn.
Disgownt Person Sengl y Dreth Gyngor a Setiau Data Eraill	622	0	0	0	£0.00	
Disgownt Person Sengl y Dreth Gyngor a Phob Set o Ddata	2,199	24	0	0	£0.00	
Y Dreth Gyngor a chofnodion marwolaethau' r DDRI	88	5	2	0	£1,543.51 ar gyfer 2025-26.	i) Eithriad Dosbarth F wedi'i roi / wedi rhoi'r gorau i geisio adennill y ddyled. ii) Eithriad Dosbarth I wedi'i ganslo a'i newid i Ddosbarth F a oedd yn golygu bod 6 mis o dreth gyngor yn ddyledus o ddyddiad y profiant.
Cyfanswm	4586	129	52			